

周禮注 解

			四	漢書門
		二	五	
六	五	五	八	
冊	架	函	號	類

庫	文	閣	內	
二		四		漢
七		二		書
三		五		
函		六		
二		八		
一				
架		冊		

內閣文庫	
番號	漢 4258
冊數	6 (6)
函號	273 266







冬官補亡

大司空 小司空

書周官曰司空掌邦土居四民時地利則土地之圖人民之數與夫土會土宜土均土圭之灋不宜為司徒之職記王制曰司空度地居民量地遠近興事任力則經土地而井牧其田野與夫起徒役今賦之事不宜為小司徒之職今取而復舊則冬官不亡矣

封人 牧人 牛人 充人 載師 均人

土均 草人 稻人 山虞 林衡 川衡

澤虞 井人 角人 羽人 掌葛 掌染章

典瑞典同中車司常司服皆治其器物以備用則是工之屬也合隸司空成周建六官限於三百六十其不以工人專一官明矣一工一官如今考工所載攻木攻金攻皮設色刮磨搏埴之類皆得命官而佐職將不勝其繁是豈聖人設官之意邪後世傳習之乂謂司空主百工而百工居六職之一司空之亡以考工記補之由漢以來莫之察者失於不思聖人設官之意故也冢人墓大夫亦宜以土事屬之司空列之禮官則濫矣中車既隸冬官則車僕不宜他屬獸人獻人既隸冬官則雞人大人隸之無疑

舟師

司弓矢

橐人

舟師為冕弁以供王之服用不當屬司馬司弓矢乃弓人為弓之事故合九合七皆有其制橐人掌獻素獻成宜以工屬司空明甚

職方氏

土考氏

形氏

山師

川師

邊師

量人

職方氏掌天下之地圖此邦土之任司空之職山虞澤虞之屬即其僚爾量人亦司空度地之職與考工記匠人營國文無異

今訂定冬官之屬五十有四

大司空

小司空

載師

封人

量人

均人

土均	草人	稻人	山虞	林衡	川衡
澤虞	竹人	角人	羽人	掌葛	掌鼈
圉人	場人	牧人	牛人	充人	獸人
獸人	鼈人	雞人	犬人	獸醫	司裘
掌皮	司服	典絲	典臬	染人	弁師
追師	履人	典瑞	典同	巾車	典路
車僕	司常	司弓矢	藁人	冢人	墓人
職方氏	土方氏	形方氏	山師	川師	邊師



周禮

冬官司空第六

餘于後學李緝重刊
餘姚後學張心校正

書載伯禹作司空平水土周官曰司空掌邦土居四民時地利禮記王制曰司空執度度地居民山川沮澤時四時量地遠近興事任力此見於經傳者燦然可攷後人以司徒地官為土地之事而以考工記補冬官謂冬官主百工殊不知百工之事特司空之屬官以地官司徒為當任土

地之事然則天官冢宰其亦當任天文之事邪按周官曰
司空掌邦土則凡土地之事列在司徒者皆冬官之誤無
疑今以五官之羨而補冬官之闕則冬官不亡矣
惟王建國辨方正位體國經野設官分職以為民極乃立冬
官司空使帥其屬而掌邦事以佐王富邦國
事官之屬

大司空卿一人小司空中大夫二人下大夫四人上士八人
中士十有六人旅下士三十有二人府六人史十有二人胥
十有二人徒百有二十人

大司空之職掌建邦之土地之圖與其人民之數以佐王富

邦國

鄭康成曰土地之圖若今司空郡國輿地圖司徒掌邦教
土地之圖人民之數非其職也此大司空掌邦土以掌凡
邦之役事錯亂在地官

以天下土地之圖周知九州之地域廣古曠輪之數

九州楊荆豫青梁雍幽冀并廣輪廓然而從天輪之中
辨其山林川澤丘陵墳衍原隰之名物

土高曰丘小阜曰陵水厓曰墳下平曰衍高平曰原下濕
曰隰

而辨其邦國都鄙之數制其畿疆而溝封之

畿外之地可建邦國畿內之地可建都鄙其數則王制所謂畿內九十三國畿外一州二百一十國也溝穿地封起土為界

設其社稷之壇

維季反

而樹之田主各以其野之所宜木遂以名其社與其野

社稷后土及田正之神祀社配以勾龍祀稷配以棄社稷不屋而壇壇外累土為壇田主以所宜木而樹之若以松樹於壇以為社神則名曰松社之野司空以水土之官辨山林川澤丘陵墳衍原隰之名物制其畿疆而溝封之此其為職分剛屬之司徒無可附麗學者宜熟思而圖辨之

以土會之灋辨五土之物生

會聚也

一曰山林其動物宜毛物其植物宜阜物其民毛而方

毛物貂狐貉貉之類毛絳者也植物柞栗之屬今俗以柞為阜斗方堅勁貌山林之外柔而內堅勁也

二曰川澤其動物宜鱗物其植物宜膏物其民黑而津

鱗物魚龍之屬膏物桐漆之類其民水氣所薰故黑而潤澤

三曰丘陵其動物宜毛物其植物宜覈楛物其民專徒九而長

羽物翟雉之屬核物李梅之屬專圈也其民得丘陵之性雖踣而脩直

四曰墳衍其動物宜介物其植物宜莢反古協物其民替鑄而瘠

介物龜鱉之屬植物薺莢角龜五棘之屬其民得墳衍之性雖白而瘦勁

五曰原隰其動物宜羸力果物其植物宜叢物其民豐肉而羸音婢

羸物毒蠃之屬叢物萑葦之屬其民生於原隰雖肥而清燥不能脩長

土會之灋正司空度地以居民者也王制曰凡居民材必因地寒煖燥濕廣谷大川異制民生其間異俗此辨山林川澤丘陵墳衍原隰之名物而制其畿疆之節目也與十二教何與其非司徒之任決矣

以土宜之灋辨十有二土之名物以相民宅而知其利害以阜人民以蕃鳥獸以毓草木以任土事

名所以命其土丘陵墳衍原隰之屬物所以色其土青黎赤埴黑墳之屬職方氏所載者九州而土宜之灋所辨者十二何邪蓋天有十二次日月之所躔地有十二土王公之所國是故分野之占則星紀為吳越玄枵為齊鄭嘗為

衛降婁為晉大梁為趙實沈為晉鶉首為秦鶉火為周鶉
尾為楚壽星為鄭大火為宋析木為燕雖當時未有燕齊
秦楚等國而司空之所辨殆亦以分野而言也相視也阜
盛也蕃多也毓生也任謂任地所生因民所能也
辨十有二壤之物而知其種以教稼穡樹藝

壤亦土也有黑墳有赤埴有塗泥有墳壚其土不同故於
稼穡樹藝有宜有不宜故必辨之

以土均之灋辨五物九等制天下之地征以作民職以令地
貢以斂財賦以均齊天下之政

五物見上九等九州之田賦上中下之不同職即大宰之

九職貢即大宰之九貢財賦即大宰之九賦然遠近多寡
之不均先後緩急之不齊非政之善也故必有以均齊之
土宜乃居四民時地利之事土均乃使民興事任力之事
實司空之職也則地征之制民職之作與夫令貢而斂財
司徒掌之則為侵官又况土會土宜土均土圭皆土事非
掌邦土者誰宜尸之邪

以土圭之灋測土深反鳩正日景以求地中日南則景短多
暑日北則景長多寒日東則景夕多風日西則景朝多陰日
至之景尺有五寸謂之地中

日月之行分同道也至相過也景晷相過則有可候之理

故致日必以冬夏今測景建國只於夏至不於冬至以冬至景長三尺過土圭之制未若夏至之日晝漏之半立八尺之表北尺有五寸正與土圭等則為地中故於此時植之以表測之以圭假如表北得尺四寸是地於日為近南景短於表南為陽越地常多暑假如表北得尺六寸是地於日為近北景長於表北為陰胡地常多寒正中時表其景已昧是地於日為近東先夕景也東則近海卑下故多颶風正中時表其景未中是地於日為近西猶朝景也西則近山幽陰故多積雪多者不得夫氣之中而偏勝之謂日南日北蓋假借言之

易氏曰日南日北日東日西特四時測景之灋如夏至日在南陸躔於東井景長尺有五寸故曰日南則景短多暑冬至日在北陸躔於牽牛景長丈有三尺故曰日北則景長多寒秋分日在東陸躔於角其景常候以夕故曰日東則景夕多風春分日在西陸躔於婁其景常候以朝故曰日西則景朝多陰昔堯以中星驗日景而獨於仲夏言敬致即致日也致日於尺有五寸之景此求中之灋也天地之所合也四時之所交也風雨之所會也陰陽之所和也然則百物阜安乃建王國焉制其畿方千里而封樹之此周公記其作洛邑之制以司空掌天下之土地因而載

建國之灋

凡建邦國以土圭上其地而制其域諸公之地封疆方五百里其食者半

食者授田者之實數半則二百五十里也

諸侯之地封疆方四百里其食者參之一

一百三十里有奇

諸伯之地封疆方三百里其食者參之一

一百里

諸子之地封疆方二百里其食者四之一

五十里

男之地封疆方百里其食者四之一

二十五里

陳君舉曰所謂五等諸侯但言其班爵爾若夫分土母過三等侯百里伯七十里子男五十里自夏商未之有改大司馬之灋曰大國二軍次國二軍小國一軍由此觀之雖周亦三等也舉四封而言則侯四百里伯三百里子二百里又益一男之地為公以待加地之賞損一男之地為男以待削地之罰蓋所謂有功者取於閒田以祿之削地歸之間田以傳致之魯錫附庸而鄭嘗失武公之畧自虎牢以東是也終周之世若公若男往往設而不封故稱公者

一宋是已自齊魯皆侯也虞公虢公則皆繼三公之後爾
稱勇者二許宿是也自邾莒皆子職也驪戎男則夷狄之
長爾先儒謂周公斥大九州更置五等妄也強幹弱枝之
道雖聖人不敢廢今天子之畿方千里謂之萬乘而內諸
侯頗食采於其中顧以方五百里封公可乎職方之制曰
凡邦國千里封公則四公則百男蓋假設之言以是為建
國之率假如九州州方千里大之封公不過四國小之封
男雖至於百男可也是謂衆建而小其力苟如先儒之言
則漢七國唐藩鎮之禍作於周久矣
凡造都鄙制其地域而封溝之以其室數制之不易之地家

一易之地家二百畷再易之地家三百畷

造都鄙與建邦國不同建邦國以土圭土其地而知其廣
狹以則其域造都鄙直以所當授之民室數制其地已內
之田有肥磽不齊故立不易一易再易之灋此王子弟公
卿大夫采地外有封溝樹之固內有城郭市朝宗廟之別
使之朝夕涖事王朝而退食於家其家不出玉城而都鄙
乃在三百里四百里五百里之內以吏居之而受采地之
封者不過食其祿爾此尹氏崔氏春秋所以譏世卿也東
巖王與之曰匠人建國匠人營國載之考工置槩為規皆
以測景王朝夕其與土圭之灋相表裏而土圭之灋乃在

司徒是不惟有虞虞朝之官制與大宰之六典小宰之六職皆如柶鑿矣司空執度地量地制邑於王制可以知其職匠人建國營國於考工可以溯其舊若以司徒考之雖欲強附而曲取於經傳誠無以為據依也今取大司徒之不應職者歸之司空故曰司空之篇未嘗亡也

乃分地職奠地守制地貢而頒職事焉以為地灋而待政令力役之任屬在司空則夫地職地守地貢皆吏役之所當均焉者也取而歸之司空宜也知禹之所以為司空之義則地職地守地貢其可屬之司徒乎地職若三農園圃虞衡藪牧之類地守賦也變賦言地守者守一定之灋也地

番畿以耕事貢九穀圃以植事貢草木之類

方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿

此言外方五百里則以方言之非言面也以方言之是每面二百五十里兩面相方為五百里自侯畿至蕃畿通為二千二百五十里兩面相距通為四千五百里并王畿千里通為五千五百里其增於禹者五百里之蕃服爾然周

之蕃服雖不列於禹貢九州之外而禹貢九州之外咸建
五長東漸西被即成周蕃服之域是周之蕃服其名雖增
於禹而地未嘗增也此即職方氏之九服王與之曰乃以
九畿之籍施邦國之政職者姜文也知職方氏之宜在司
空則此章不當在司馬矣

小司空掌會萬民之卒伍而用之五人為伍五伍為兩四兩
為卒五卒為旅五旅為師五師為軍

此即五家為比五比為閭四閭為族五族為黨五黨為州
五州為鄉之灋

以起軍旅以作田役以比追胥以令貢賦

作為也役功力之事追逐也胥伺也伍五人兩二十五人
卒百人旅五百人師二千五百人軍萬二千五百人此制
一定有征伐之時起之以為軍旅四時之間作之使趨田
役有盜之際比之使追胥閒暇之時令之使出貢賦士不
待選皆吾民也將不改置皆吾吏也有事致之行陳無事
歸之田里無招收之擾無廩給之費此先王之足兵而未
嘗有兵也司馬灋曰兵車一乘甲士三人步卒七十二人
是則一乘者七十五人也約而言之兵車一乘則三兩之
數四乘則三卒之數百乘則三師之所合五百乘則三軍
之所合積而至於千乘則六軍聚焉是則六軍之數適足

以容千乘乃天子宿衛之兵其餘六遂都鄙之兵悉天子之畿內則為萬乘矣諸侯大國則有千乘而三鄉三軍則僅止於五百乘爾

乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人

受田有九等之灋此以七六五為三等蓋因中以寄明上下之義○此役灋也其誤在於大司徒者既取而歸之于大司空矣則此小司徒因土地之上下而均其任人之數宜為小司空鄉師之職既曰以攷司空之辟以逆役事

司寇又曰役諸司空由是觀之此章其屬之司空信而有據學者當知所適從矣

凡起徒役毋過家一人以其餘為羨唯田與追胥竭作竭作不按籍起人其家丁男皆行

凡用衆庶則掌其政教與其戒禁聽其辭訟施其賞罰誅其犯命者凡國之大事致民大故致餘子

致者使自至也大事田役大故災寇也餘子羨卒也

凡今賦以地與民制之凡上地食者參之二其民可用者家三人中地食者半其民可用者二家五人下地食者參之一其民可用者家二人

上地食者參之二田百晦萊五十畝中地食者半田百晦
萊百晦下地食者參之一田百畝萊二百晦○賦役一事
也役爭之屬司空既見於經則今地賦不可他屬矣
乃經土地而井牧其田野

可耕之地為井可畜之地為牧上地百畝中地二百畝下
地三百畝三夫受六夫之地二牧當一井

九夫為井四井為邑四邑為丘四丘為甸四甸為縣四縣為
都

甸方八里旁加一里則方十里為一成積百井其中六十
四井為田其三十六井則山川城郭方八十里旁加十里

則方百里為一同積萬井其中六千四百井為田而三千
六百井為山川城郭以四數之言田之實數司馬灋以十
數之兼山川城池而言也丘甸卿用之於鄉遂及公邑縣
都則用之於采地鄉遂公邑非無縣都也有縣都之制而
民之受地者特一夫之田與夫宅田士田賈田公邑之類
未至於縣都也采地之所受亦非無井邑丘甸井邑丘甸
見於縣都之中唯卿大夫之所受者或四十里或八十里
此所以必畫為縣都之制也唯野外之田不無媿惡肥磽
之差豈必盡如指掌之平稊秤之畫唯有井有牧比折而
行乃是井田之活灋周禮一書皆通率而備言之楚蔣掩

所謂書土田度山林鳩藪澤辨京陵表淳鹵藪疆潦規偃
豬町原防牧隰臯井衍沃即成周井牧之遺灋也山林之
地九夫為度九度當一井藪澤之地九夫為鳩八鳩當一
井京陵之地九夫為辨七辨當一井淳鹵之地九夫為表
六表當一井疆潦之地九夫為藪九藪當一井偃豬之地
九夫為規四規當一井原防之地九夫為町三町當一井
隰臯之地九夫為牧二牧當一井衍沃之地九夫為井所
謂井九百畝者非必皆平土皆上地也因地之所遇而為
之計度可以知井田之說矣信南山之詩曰信彼南山維
禹甸之論語稱禹盡力乎溝洫臯陶謨曰畎澮距川孟子

曰夏后氏五十而貢商人七十而助周人百畝而徹其實
皆什一以貢助徹皆天下之什一若非丘甸之灋何以能
什一之灋哉故井田之灋始於唐虞以至夏商稍稍葺治
而大備於周

以任地事而令貢賦凡稅斂之事乃分地域而辨其守施其
職而平其政凡建邦國立其社稷正其畿疆之封

凡此者皆邦之土事故當盡屬司空今載之小司徒非也
引而補其闕雖不得其全然其大畧亦足以見古先聖王
設官之意

載師上士二人中士四人府二人史四人胥六人徒六十人

載事也冬官謂之事官載師掌任土之事宜為司空之攷
載師掌任土之灋以物地事授地職而待其政令

有土斯有物或宜九穀或宜果菘或宜鳥獸之類凡所謂
地事以此物之有事斯有職或職以耕事或職以牧養之
事凡所謂地職以此授之待政令待稅賦之政令也

以廛里任國中之地

在市之屋曰廛在里之屋曰里

以場圃任園地

場以登禾黍圃以種果菘

以宅田士田賈田任近郊之地

宅田即孟子所謂五畝之宅是也士田即孟子所謂圭田
也賈田賈人之有事於縣官者也五十里為近郊

以官田牛田賞田牧田任遠郊之地

官田籍田也牛田牛人之田賞田賞賜之田也牧田牧人
之田也百里為遠郊

以公邑之田任甸地

公邑謂在官之田未頒與人者郊外曰甸

以家邑之田任稍地

謂天子之大夫各受采地二十五里在三百里之內也
以小都之田任縣地

謂天子之卿各受五十里采地在四百里縣地之內也
以大都之田任置地

謂三公及親王子母弟各受百里采地在五百里置地之
中也○四郊地居四同甸居十二同稍居二十同縣居二
十八同都居三十六同共計百同此王畿所以為千里
凡任地國宅無征園廩二十而一近郊十一遠郊二十而三
甸稍縣都皆無過十二唯其漆林之征二十而五

國中什一使自賦故無征園廩不可以井論故二十而征
其一近郊以下皆以百畝而徹賦民十一近郊於一申十
分取一遠郊於一中一分取一分之半甸稍縣都於一中

十分取二采地之內有漆林焉則於一中取二分之半所
以抑末也

凡宅不毛者有里布凡田不耕者出屋粟凡民無職事者出
夫家之征

里布總也以供吉凶二服皆里布也屋粟則見於旅師之
所掌也夫家之征十一之外出土徒車輦以給繇役此言
都鄙郊甸之中有不毛之宅不耕之田無職事之民是上
忘其職而怠忽於政也故宅不毛者其長有里布之罰田
不耕者其長有屋粟之罰民有職事則又罰其長以夫家
之征此即孟子所謂入其疆土地荒蕪則有讓之意也

以時徵其賦

徵之必以時則上不病國下不病民

封人中士四人下士八人府二人史四人胥六人徒六十人聚土曰封

封人掌設王之社壝為畿封而樹之

壇在中外為壝畿封而樹之植其所宜木以嚴其界限也凡封國設其社稷之壝封其四疆造都邑之封域者亦如之今社稷之職

乃職事於社稷者也壝設矣令匠人設五方之土以築其壇

飾其牛牲設其福音福衡置其綏持忍共其水橐

節刷治潔清之也福設於角衡設於鼻如掇狀綏著牛鼻繩以牽牛者水以洗牲橐以薦牲

歌舞牲及毛炮之豚

謂君牽牲入時歌舞以言其博碩肥膄毛炮之豚謂實橐於豚之腹以炮

凡喪紀賓客軍旅大盟則飾其牲

量入下士二人府一人史四人徒八人

量猶度也謂以丈尺度地屬之司空宜也

量人掌建國之灋以分國為九州營國城郭營后宮量市朝

道巷門渠

后君也非王后之宮

造都邑亦如之營軍之壘舍量其市朝州涂軍社之所里

軍壁曰壘每軍必有市有朝每州一師二千五百人五師

為軍各有涂道而軍社有常居之

邦國之地與天下之涂數皆書而藏之凡祭祀饗賓制其從

獻脯燔之數量掌喪祭奠冢之俎實凡宰祭與鬱人受

畢瀝而皆飲之

宰祭者冢宰佐王祭亦或攝祭也訖事量人與鬱人受舉

畢之餘瀝而飲之所以受神之福

均人中士二人下士四人府二人史四人胥四人徒四十人

均人掌均地政均地守均地職均人牛馬車輦之力政

地政上所以正下地守地職下所以供上山林川澤丘陵

墳衍原隰五地各有所守謂之地守而地職則九職中自

百工以下皆是也力政當作力征人力牛馬車輦之力征

征於地守地職之人也

凡均力政以歲上下豐年則公旬用三日焉中年則公旬用

二日焉無年則公旬用一日焉

鄭鍔曰或謂周禮一經於徒役之事以為用民之力事之

至大故屢言之今觀均人視歲上下為用民之節不過一

日二日三日之差奚為其然余嘗論之是說自前漢始文帝集諸儒經作王制以為用民之力歲不過三日自是學者不敢違鄭康成覺其不通遂改旬為均曰公事均用三日余嘗笑其鑿古者龍見而畢務火見而致用水昏正而栽日南至而畢故衛文公楚官之作仰占定星之中詩人以謂得其時制則知力役興於農隙之時十月之候營室之中也一旬而三日則一月而九日計冬之三月則二十七日矣年豐則食有餘多用其力不為虛也一旬兩日則一月六日計冬之三月則十八日矣中年食少歉減豐年三分之一也一旬一日則一月三日計冬之三月則九

日矣無年而力役不作減三分之二也如以為一歲不過三日奚必諄復作經屢言役事之為大乎

凶札則無力政無財賦不收地守地職不均地政

特言無財賦者國中九職蓋有不受地而出征賦者如百工商賈閒民夫布皆是凶札無財賦其是於經者關市不征是也均人掌均力政凶札舍力役是其職也無財賦不收地守地職無豫於均人其言此者蓋為均地政凶年最先舍力政甚則弛財賦又甚則不收山澤及地稅至此則不均地政可也

二年大比則大均

此禮不均特權時之變爾三年不大均則紀綱壞矣
士均上士二人中士四人下士八人府二人史四人胥四人
徒四十人

士均掌平土地之政以均地守以均地事以均地貢

自農圃至藪牧皆謂之地守自耕植至畜養此謂之地事
自九穀草木鳥獸至山澤之材此謂之地貢均之則高下
媿惡輕重適其平

以和邦國都鄙之政令刑禁與其施舍禮俗喪紀祭祀皆以
地媿惡為輕重之灋而行之掌其禁令

和之如何以地媿惡為輕重之灋而行之政令之緩急則

禁之寬猛施舍之宜否禮俗之訟革喪紀祭祀之豐約宜
者令之不宜者禁之使之適於和而已司空以土會之灋
總其大綱而斟酌彌縫其間使萬目不遺者土均之職也
草人下士四人史二人徒十有二人

草人掌土化之灋以物地相其宜而為之種

土化之灋令民薙草而灰之以和九獸之糞則地可移瘠
而肥是之謂化及物地而相其宜則百穀用成矣

凡糞種辭剛用牛赤緹音低用羊墳壤用麋音渴澤

用鹿鹹為音用貍呼九勃壤用狐埴時力墟音盧用豕疆音

用蕢扶云輕興用犬

芒種稻之有芒者草既芟夷則可種

旱曠共其雩斂

旱則共雩祭之所斂

喪紀共其葦事

葦以闡墻禦濕之物

山虞每大山中士四人下士八人府二人史四人胥八人徒八十人中山下士六人史二人胥六人徒六十人小山下士二人史一人徒二十人

虞度也

山虞掌山林之政令物為之厲而為之守禁

別其地以為之限然後命其人以守之設其法以禁之夫利之出山林川澤者先王與民共之而周禮皆有禁焉何也蓋利之所在人所競趨官不為之守禁則分爭力奪何時而已雖山林川澤各置虞衡之官而有以示其禁焉則兼并者不得逞而其利可以均及於民矣

仲冬斬陽木仲夏斬陰木

陽木在山南陰木在山北冬斬陽夏斬陰堅濡調也

凡服耒斬季材以時入之

服耒服車上之名與耜皆季材少木為之尚柔韌也

令萬民時斬材有期日凡邦工入山林而掄材不禁

邦工朝廷之梓匠

春秋之斬木不入禁

榆柳非不禁春秋之不可斬材自然有禁也

凡竊木者有刑罰若祭山林則為主而脩除且蹕

山虞山神之所依也脩除治道路場壇蹕止行人也

若大田獵則萊山田之野及弊田植虞旗于中致禽而珥如

反焉

萊除其草萊弊田田者止也植旗令獲者皆致其禽而校

其耳知獲數也珥當作餌

林衡每大林麓下士十有二人史四人胥十有二人徒百有二

十人中林麓如中山之虞小林麓如小山之虞

林衡掌巡林麓之禁令而平其守

山虞掌其政令衡特巡察之而已平其守平其所守林麓

之部也

以時計林麓而賞罰之

會計其繁耗

若斬木材則受灋于山虞而掌其政令

川衡每大川下士十有二人史四人胥十有二人徒百有二

十人中川下士六人史二人胥六人徒六十人小川下士二

人史一人徒二十人

川衡掌巡川澤之禁令而平其守以時舍其守犯禁者執而誅罰之

獺祭魚之後則舍其守犯禁者數罟不入污池非特取魚鱉者也

祭祀賓客共川奠

川奠籩豆之實魚鱸蜃蛤之屬

澤虞每大澤大藪中士四人下士八人府二人史四人胥八人徒八十人中澤中藪如中川之衡小澤小藪如小川之衡有水為澤無水為藪

澤虞掌國澤之政令為之厲禁使其地之人守其財物

澤屬于國懼民因地以致爭今海之沙岸潮之陂渚凡入之厚無不租撲于官而後漁焉此之謂也

以時入之玉府頒其餘于萬民

國澤有皮角珠貝非民所得有者以時入于玉府而頒其餘

凡祭祀賓客共澤物之奠喪紀共其葦蒲之事

葦以闡壙蒲以為席

若大田獵則萊澤野及弊田植虞旌以屬禽

澤虞有旌以其掌澤有鳥羽故得注析羽

升反故猛人中士二人下士四人府二人史二人胥四人徒四

十八

十人掌金玉錫石之地而為之厲禁以守之若以時取之則物其地圖而授之巡其禁令

物其地視其色以別其所產也利之所在姦弊百出既禁之天令之又從而巡之然後十人取之而入於職金職金受之而入其金錫于兵器之府入其玉石丹青于受藏之府所以待邦之大用而王府又所以供王之玩好者也

角人下士二人府一人徒八人

角人掌以時徵齒角凡骨物於山澤之農以當邦賦之政令所謂山農澤農蓋平時以射田獵取絺給及染草為業者

非此則不徵曹氏曰有山農有澤農有平地之農平地之田使供什一之稅山澤之利亦各物其土地所產而賦之是謂山澤之農其曰以當邦賦乃以山澤所宜有者以輸于公上以當平地之農輸穀粟什一之租也以度量受之以共財用

羽人下士二人府一人徒八人

羽人掌以時徵羽翮之政于山澤之農以當邦賦之政令凡受羽十羽為審百羽為搏十搏為縛翻羽本也

掌葛下士二人府一人史一人胥二人徒二十人

掌葛掌以時徵絺綌之材于山農凡葛征徵草貢之材于澤

農以當邦賦之政令

言其物則曰葛言其服治之功則曰絺綌草貢出澤墳

反紵之屬可緝績者

以權度受之

掌染草下士二人府一人史二人徒八人

掌染草掌春秋斂染草之物

藍以染青菡以染赤皂斗以染黑

以權量受之以待時而頒之

染人春暴音曝練夏纁玄秋染夏之類

園人中士四人下士八人府二人胥八人徒八十人

園人掌園游之獸禁

園游苑園游牧之處獸禁者禁芻蕘雉兔者之往不得侵

取之也園人之牧百獸以為死獸生獸之共爾如冬獻狼

夏獻麋皆所以備祭祀賓客之須

牧百獸祭祀喪紀賓客共其生獸死獸之物

場人每場下士二人府一人史一人徒二十人

場人掌國之場圃而樹之果菰珍異之物以時斂而藏之

國之場圃場人掌之民之場圃閭師之所任也方物之生

闕場為圃及物之成築圃為場果棗李之屬菰瓜匏之屬

珍異蒲耗之屬

凡祭祀賓客共其果菹享亦如之

牧人下士六人府一人史二人徒六十人

牧人掌牧六牲

六牲牛馬羊豕犬雞

而阜蕃其物以共祭祀之牲牲

牲生也牲純全也

凡陽祀用騂牲毛之陰祀用黝於糾牲毛之

祀分陰陽天陽而地陰日陽而月陰宗廟則昭陽而穆陰

騂赤色之盛黝黑色之微

凡祀各以其方之色牲毛之

凡時祀五嶽四瀆方色東青西白南赤北黑中黃

凡時祀之牲必用牲物凡外祭毀事用牲可也

外祭謂表貉及王行所過山川用事者毀侯禳毀除殃咎

之屬也

凡時祀共其犧牲以授充人繫之

犧牲毛羽形體完具授之充人當殊養之也

凡牲不繫者共奉之

此言共奉非時之祭祀不待繫於充人者也

牛人中士二人下士四人府二人史四人胥二十人徒二百

人

牧人所養者成牲之牛，牛人所養者未成牲之牛。六畜之中，牛為大。天地之牛角繭栗，宗廟之牛角握，賓客之角尺。則牛者無所不用，故特設牛人。

牛人掌養國之公牛，以待國之政令。

周制有公家之牛，有私家之牛。祭祀以為犧牲者，公牛也。車輦出於鄉，遂者私牛也。

凡祭祀共其享牛，求以授職人而芻之。

享獻也。獻神之牛，求索也。祭之明日，則索祭之謂之繹職。人充人之屬芻養也。

凡賓客之事，共其牢禮，積膳之牛。

牢禮，殷膳太宰也。積，所以給賓客之用。生饋之也。膳，熟進之也。

饗，食賓射，共其膳羞之牛。

享，食賓射，講禮之時用之也。

軍事共其犒牛，喪事共其奠牛。凡會同軍旅行役，共其兵車之牛，與其牽傍。蒲浪反以載公任器。

牽傍，在轅外，輓牛也。人在前曰牽，居其傍曰傍。任用也。公用之器也。

凡祭祀共其牛牲之互，與其盆簠。音若以待事。互，楅衡之屬，盆，所以盛血，簠，受肉籠也。

充人下士二人史二人胥四人徒四十人

充猶肥也

充人掌繫祭祀之牲牲祀五帝則繫于牢芻之三月

牢闌也繫于牢者充人所躬親也養牛羊曰芻三月一時節氣成

享先王亦如之凡散祭祀之牲繫于國門使養之

散祭祀謂司中司命山川之屬繫于國門使守門者養之展牲則告牲

展察視之也告牲告其色之純也

碩牲則贊

碩大也君牽宗人告碩而充之贊之

獸人中士四人下士八人府二人史四人胥四人徒四十人獸人掌畜田獸辨其名物

辨其名物則取其所當取無殺胎殀夭之事

冬獻狼夏獻麋春秋獻獸物

狼陽物性濕麋陰物性涼

時田則守畧及弊田令禽注于虞中

時四時守謂備獸觸攬弊仆也春火弊夏車弊秋羅弊冬徒弊令田衆以行獲置虞旗所植之中謂之注如水之注于下

凡祭祀喪紀賓客共其死獸生獸

四時之田所獲生獸則圉人收之將用獸人取於圉以供焉其死而未供則入於腊人

凡獸入于腊人皮毛筋角入于王府凡田獸者掌其政令

獸人音中士二人下士四人府二人史四人胥三十人徒三百人

獸人掌以時獻為梁

春冬二時獮祭魚乃取魚之時夏不取魚梁水堰也中空以筍承其空

春獻王鮪位執

王鮪魚之大者出河南至春入西河上龍門以俟變化周人取之獻所無也

辨魚物為鱣音老以共王膳羞凡祭祀賓客喪紀共其魚

之鱣音老凡獻者掌其政令

取魚受政令於獸人則無數罟竭澤之害

凡獻征入于王府

征之所以抑末也

鼈人下士四人府二人史二人徒十有六人

鼈人掌取互物

互物其物交互若今之魚鱖

以時籍測角魚鼈龜蜃凡狸莫皆物

籍以义刺泥藏伏於泥中謂之狸物

春獻鼈蜃秋獻龜魚祭祀共廩簿佳廩反蚘郎戈蚘反以授醢

人

廩蛤廩蠹蚘蚘子

掌凡邦之籍事

雞人下士一人史一人徒四人

雞人掌共雞牲辨其物

物謂毛物陽祀用騂陰祀用黝

大祭祀夜嘒呼音旦以部音百官

夜滿未盡雞鳴時呼旦以警百官使之夙興

凡國之大賓客會同軍旅喪紀亦如之凡國事為期則告之

時凡祭祀面禳釁共其雞牲

面非一方也禳以却災禍釁以除不祥以厭妖怪

犬人下士二人府一人史二人賈四人徒十有六人

犬人掌犬牲凡祭祀共犬牲用牲物伏瘞亦如之

王行乘車則有犯較之禮用犬伏於車下以車轅之而去謂之伏祭地必瘞

凡幾珥沈辜用駝可也

幾祈珥珥也沈以祭川辜以磔門

凡相犬牽犬者屬焉掌其政治

獸醫下士四人

獸醫掌療獸病療獸瘍凡療獸病灌而行之以節之以動其氣觀其所發而養之

灌藥以行之行之不止則其病劇當節以止之先動其氣脉於其發動處從而養之其病可除矣

凡療獸瘍灌而劑之以發其惡然後藥之養之食音之凡獸之有病者有瘍者使療之死則計其數以進退之

月令季春之月命司空曰田獵且采羅罔畢翳餒獸之藥毋出九門

司裘中士二人下士四人府二人史四人徒四十人

司裘掌為大裘以共王祀天之服

大裘黑羔裘冬至祭天於員丘服裘被衮而冕祭天故言大

中秋獻良裘王乃行羽物

良善也玉藻所謂黼裘也仲秋鳥獸毛毼王乃以羽物賜羣吏以九月將授衣不可使民之卒歲而無衣褐此所以廣天地生物之仁

季秋獻功裘以待頒賜

功裘人功微音謂狐青麕裘之屬卿大夫所服也

王大射則共虎侯熊侯豹侯設其鵠古毒諸侯則共熊侯豹

侯卿大夫則共麋侯皆設其鵠

侯上中下俱有布一幅夾之以皮飾其兩傍之側而摺皮於其中以為鵠

大喪欽音齋飾皮車

齋者像儀也齋裘皮車皆明器中之車裘也

凡邦之皮事掌之歲終則會唯王之裘與其皮事不會

掌皮下士四人府二人史四人徒四十人

掌皮掌秋斂皮冬斂革春獻之

去毛曰革

遂以式灋頒皮革于百工

百工如裘氏韋氏函氏之類

共其毳歿銳毛為毼以待邦事

毳毛之細縹者自祭祀至喪紀無不用故曰以待邦事

歲終則會其財齋

司服中士二人府二人史一人胥一人徒十人

司服掌王之吉凶衣服辨其名物與其用事王之吉服祀昊

天上帝則服大裘而冕祀五帝亦如之

大裘見上象天之體玄也冕之制版廣八寸長倍之前員

後方前俛後仰飾之以布上玄象天下纁象地名以冕俛

以致恭之意

享先王則衮冕

十二章之衣其來遠矣日以象陽德發生萬物月以象陰德養成萬物星辰以象其經緯見四時之運轉龍以象其變化山以象其靜重華虫以象其文采虎雖以象其義智虎西方之義獸雖遇雨則火以象其光明又能化物藻以象其潔而達於幽潛粉米以象其粒民黼以象其斷制黻兩已相背以象其辨別衮冕自龍而下衣五章裳四章王服十二章祭祀從尸之服周之先王追王也其尸服衮享先公饗射則鷩冕

鷩冕自華虫而下其衣三章服四章

祀四望山川則毳冕

自宗彝而下其衣三章裳二章

祭社稷五祀則絺冕

自粉米而下其衣一章其裳二章

祭羣小祀則玄冕

衣無文裳則黻而已

衮冕謂衮衣而是十二旒鷩冕鷩衣而是九旒毳冕毳衣

而是七旒絺冕絺衣而是五旒玄冕玄衣而是三旒

凡兵事韋弁服

弁其制畧如冕但無旒爾韋弁服者韋為弁畫隼亦用赤

色之衣

眠朝則皮弁服

用白鹿皮為弁服以白布為之

凡甸冠弁服

冠弁以形言曰委安也以色言曰玄士之玄端大夫之玄冠諸侯之冠弁與天子委貌形制相同緇布衣而素裳

凡凶事服弁服

服弁喪冠也

凡弔事弁經服

如爵弁而素加環經

此為天王斬衰為王后齊衰王為三公六卿錫衰

錫麻之滑易者

為諸侯總衰為大夫士疑衰

疑擬也擬於吉

其首服皆弁經大札大荒大裁素服公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自絺冕而下如子男之服卿大夫之服自玄冕而下如孤之服其凶服加以大功小功士之服自皮弁而下如大夫之服其凶服亦如之其齊服有玄端素端

吉齊則玄端凶齊則素端端言其幅之正也自公而下與士之袂皆二尺二寸而屬幅廣袤等也予謂公之服自袞冕而下如王之服始知鄭康成之說非也所謂如王之服者則日月之星辰不同特袞以下如之則王服十二章明矣鄭謂天子之尊國十二門旗十二旂馬十二閑圭尺二寸冕十二旒禮物十二件豈有執尺二寸之圭垂十二旒之玉而服九章之衣以臨之必不然矣

凡大祭祀大賓客共其衣服而奉之大喪共其復衣服斂衣服實衣服實衣服即今衣服也盛衣服皆掌其陳序

衣衣服所藏於樽中所陳衣服自有先後之序

絲下士二人府二人史二人賈四人徒十有二人

典絲掌絲入而辨其物以其賈揭之

絲入如充州厥貢漆絲青州厥貢絲象之類以其賈揭之

者將以為獻功授功之程

掌其藏與其出以待興功之時頒絲于外內工皆以物授之外內工九嬪世婦及諸侯夫人大夫妻以物授之若繡帛則授以素絲若文繡則授以練絲

凡上之賜予亦如之及獻功則受良功而藏之辨其物而書其數以待有司之政令上之賜予

良功絲之繡帛苦功麻之布縷有司若司服弁師也上王

后夫人也

凡祭祀共黼畫組就之物

以給衣服冕旒之類天子纁疋十有二就曰組就者以組

為就也

喪紀共其絲纁組文之物

用絲以為線纁用纁以充衣經用組文以為物之飾

凡飾邦器者受文織音志以絲組為織為絲組焉

諸茵蕭屏風之屬

歲終則各以其物會之

采下士二人府二人史二人徒二十人

與采掌布總縷紵之麻草之物以待時頒功而授齋

總布之細者縷綫也紵苧草之為布者言草則苧葛皆在

其中齋計其當用則授麻草使為布總縷紵史氏曰布重

而總輕

及獻功受苦音功以其賈揭而藏之以待時頒

以賈揭者亦日省月試既廩稱事以勸勵百工之意

頒衣服授之賜予亦如之歲終則各以其物會之

染人下士二人府二人史二人徒二十人

染人掌染絲帛凡染春暴步卜練夏纁玄秋染夏戶雅冬獻

功

夏五色

掌凡染事

凡染事不獨絲帛而已

弁師下士二人工四人史二人徒四人

弁師掌王之五冕皆玄冕朱裏延紐

玄在上朱在下延覆上版紐綴於冕傍以為固

五采纁十有二就皆五采玉十有二

以五采為纁繩垂於前後就成一玉為一成以五色玉

貫於纁繩

玉笄朱紘

土笄以玉為笄貫之朱紘以組為紘仰屬結之也

諸侯之纁旂九就瑋玉三采其餘如王之事纁旂皆就玉纁

玉笄

旂即旒也瑋吐練塞耳者

土之皮弁會五采玉璫音象即玉笄

詩會弁如星會謂弁之縫中飾之以五采之玉璫以玉為

璫象即下抵也以象骨為之

王之弁經弁而加環經諸侯及孤卿大夫之冕韋弁皮弁弁

經各以其等為之而掌其禁令

追丁回師下士二人府一人史二人工二人徒四人

追治玉石之名

追師掌王后之首服為副編步典次追衡笄

副覆首之飾編者編列其髮以為之次者次第其髮髮衡帶也笄簪之髻也

為九嬪及外內命婦之首服以待祭祀賓客

衣鞠衣禮衣者服編衣祿衣者服次

喪紀共笄經亦如之

履人下士二人府一人史一人工八人徒四人

履人掌王及后之服履為赤舄黑舄

凡舄之內有履履外又加以舄王赤舄下有白黑二舄

玄舄下有赤青二舄但言赤黑特言其尊者爾

赤纁於力反黃纁音幼青句

纁者縫中之糾句者履頭之拘謂之糾

素履葛屨

素履祭祀之履葛屨夏履

辨外內命夫命婦之命履功履散履

命夫命履纁命婦命履黑黃功履以人力為之若功裘散

履無絢喪履

凡四時之祭祀以宜服之

夏則葛屨冬則皮履

典瑞中士二人府二人史二人胥一人徒十人

典瑞掌玉瑞玉器之藏辨其名物與其用事設其服飾

玉瑞者王與諸侯所執之圭璧使者所執之瑞節玉器者

祀天祭地裸先王致四時之圭璧璋瓚也

王晉大圭執鎮圭繅藉五采五就以朝日

晉當作搢捧也大圭不琢祀天朝日用之繅藉繅以籍玉
織絲為之必以五采而後成就

公執桓圭侯執信圭伯執躬圭繅皆三采三就子執穀璧男

執蒲璧繅皆二采再就以朝覲宗遇會同于王諸侯相見亦

如之瑑圭璋璧琮繅皆二采一就以覲聘

圭之外加以璋璧之外加以琮此臣子之所執以覲聘也

四圭有邸以祀天旅上帝

邸本也猶旅邸之邸四面合瑑為一圭以四時本一氣五

帝本一天也

兩圭有邸以祀地旅四望

四圭邸於璧兩圭邸於璋

裸王有瓚以肆先王以裸賓客

有瓚所以挹鬯而裸肆陳也

圭璧以祀日月星辰

以圭即於壁

璋即射以祀山川以造贈賓客

半圭曰璋射琰而出地半圭之璋即於琮從下向上琰出為射

土圭以致四時日月封國則以土地

土圭尺有五寸上可以度天時下可以測地理

珍圭以徵守以恤凶荒

珍有貴重之義諸侯守土王欲徵之凶荒之際王欲恤之遣使以往故作珍圭

牙璋以起軍旅以治兵守

圭尺有二寸璋七寸瑒為牙齒之形兵象

璧羨以起度

羨不圓之貌本徑九寸傍減一寸以益上下故高一尺橫徑八寸夫璧圓九寸好三寸肉倍之羨而長之則十寸而傍減為八寸十寸尺也十尺為丈十丈為引八寸亦尺也八尺曰尋倍尋曰常以九寸而羨之一縱一橫皆可以為尺度九天數也可以變通矣

組圭璋璧琮琥璜之渠眉䟽璧琮以斂尸

組當作組兩頭皆有孔為溝渠於溝之兩畔稍高瑒為眉以組穿聯之䟽通也斂尸於大斂加之圭在左璋在首琥

在右璜在足璧在背琮在腹孝莫大於嚴父故其斂以禮
天地四方之玉為之

穀圭以和難以聘女

穀善也天子使人和諸侯之難及遣人聘於諸侯皆以穀
圭行之取其信實而善也

琬圭以治德以結好

諸侯有德王命賜之及諸侯使大夫來聘既而為壇會之
使大夫執以命事焉

琰圭以易行以除慝

琰有鋒芒諸侯有不善使此執此以責誚之使之改易般

規之時執此以除邦國之慝

大祭祀大旅凡賓客之事共其玉器而奉之

太旅旅上帝及四望也

大喪共飯玉含王贈玉

飯玉璧玉以雜米含在口中者贈玉璧也

凡玉器出則共奉之

用則出之不用則藏之

典同中士二人府一人史一人胥二人徒二十人

典同掌六律六同之和以辨天地四方陰陽之聲以為樂器
大師掌六律則日以合陰陽之聲而典同則日以辨天地

四方陰陽之聲者蓋典同掌其聲以作樂器欲其度數齊
量之不亂故其詳有及於天地四方之位大師用其聲以
施於樂故合十有二聲欲其高下清濁之克諧合之也則
兩之以陰陽而已

凡聲高聲硯錯正聲緩下聲肆陂聲散險聲斂達聲贏微聲
鐘音回聲衍侈聲侏弁反古含聲鬱薄聲甄厚聲石

器莫大於鍾於是言鍾之病鍾小而長則其聲藏哀正而
高下平則其聲不速鍾大而短其聲發散偏則聲散儉則
聲不越其形微達則聲有餘其形微小則聲縮小不成其
形微圓回則其聲蕃衍侈謂內約則其聲迫侏不定矣謂

中實則其聲鬱勃不出薄則聲綽厚則扣之無聲凡聲
形相搏而成觀其形可知

凡為樂器以十有二律為之數度以十有二聲為之齊量
數本起於黃鍾始於一而三之歷十二辰而五數備其長
則度之所起其餘律皆自是而生故凡為樂器以十二律
為之數度硯聲生於高肆聲生於下甄聲生於薄石聲生
於厚高下厚薄之屬所制則有齊矣贏聲生於達衍聲生
於回侏聲生於侈鬱聲生於含達回侈侏之屬所容則有
量矣故凡為樂器以十有二聲為齊量

凡和樂亦如之

巾車下大夫二人上士四人中士八人下士十有六人府四人史八人工百人胥五人徒五十人

巾猶車之衣

巾車掌公車之政令辨其用與其旗物而等叙之以治其出入

公猶官也用謂祀賓之屬旗物太常以下等叙之以封同姓異姓之次序掌政令以治其出入凡公車之數與其新故成毀無不周知之

王之五路一曰玉路錫音陽樊音步十有再就建太常十有

二旂音留以祀

玉路以玉為飾王者陽精之純故祀天必乘玉路錫為當虛刻金為之所謂鏤錫樊讀如盤帶之鞶謂今馬大帶纓當曾以削革為之王路之樊及纓皆以五采罽飾之十

二就就成也太常九旗之畫日月者正幅為緣旂則屬焉

二曰金路鈎樊纓九就建大旂以賓同姓以封

金路以金為飾鈎詩云鈎膺鏤錫鈎在膺前其樊及纓以五采罽飾之而九成大旂九旗之畫為交龍者以賓以會賓客同姓以封謂王之子弟率以功德出封者也

三曰象路朱樊纓七就建大赤以朝異姓以封

象路以象為飾象路無鈎以朱飾勒而其樊及纓以五采

屬飾之而七成。大赤九旗之通帛以朝以之。視朝異姓王之甥舅。

四曰革路龍音勒條讀為纓五就建大白以即戎以封四衛

革路輓以革而漆之龍駝也。以白堊飾革雜色為勒其樊及纓以條絲飾之而五就不言樊脫也。大白般之旗即戎謂兵事四衛四方諸侯守衛者。

五曰木路前子踐樊鵠戶篤纓建大麾以田以封蕃國。

木路至質無文以淺黑色飾革為樊鵠色飾革為纓不言就實三就也。大麾黑色主殺為事王出田則乘之蕃國之君以此封之。

王后之五路重直龍翟錫面朱總。

以翟雉羽飾馬面為錫總馬勒直兩耳與兩鑣以朱為總比從王祀先王先公所乘。

厭於涉翟勒面績總。

厭次其翟雉之羽勒面如王龙勒以為面飾績畫文此從王見賓客則乘之。

安車彫面鷺鳥弓總。

彫面謂刻革為馬面之飾鷺總青黑色以繪為之朝王所乘有安處之義。

皆有容蓋翟車具面組總有握。

翟車不重不厭具以飾勒之當面組總以織為總有握有
惟幕也蓋採桑則乘之

輦車組輓音有翼反所甲羽蓋

輦車不言飾后居宮中所乘人輓之以行娶以禦風塵羽
蓋以蔽日

王之喪車五乘木車蒲蔽犬禛莫歷尾褰疏飾小服皆疏

木車以蒲為蔽天子喪服之車犬禛以犬皮為覆笭尾褰
以犬尾為戈戟之弣疏飾布也小服刀劍短兵之服

素車焚蔽犬禛素飾小服皆素

素車以白罽車焚讀為熿熿麻以為蔽其禛服皆以素

為緣此卒哭所乘

藻音藻車藻蔽鹿淺禛革飾

藻水草蒼色以蒼土罽車以蒼繪為蔽鹿淺以鹿夏皮為
覆笭又以所治去毛者緣之此既練所乘

駝車音駝禛然禛音求飾

駝雜色音駝禛細葦然果然獸名也音求禛深之赤多黑少者此大
祥所乘

漆車藩蔽音五且禛雀飾

漆車黑車也藩漆席為之音五且禛胡犬雀黑多赤少之色音五章也
此禫所乘

服車五乘孤乘夏篆卿乘夏纁反大夫乘黑車士乘棧反車庶人乘役車

服車服事者之車夏篆較約也畫以五采黑以革鞅而漆之者纁如纁帛亦畫以五采棧車不革鞅而漆之者役車方箱可載任器庶人賤者特役車而已棧不如墨墨不如纁纁不如篆此孤卿大夫士之所由以辨也

凡良車散反素早車不在等者其用無常

精作為良反寵作為散

凡車之出入歲終則會之

出給官用入用罷歸官

凡賜闕之

賜臣下不會

毀折入齋音咨于職幣

齋與資同財也乘官車毀折者入財以償繕治之直于職幣

大喪飾遣去聲車遂去聲之行之及葬執蓋從反才用車持旌

王平生時車有旌雨則有蓋今蜃車皆無之惟執而持之以象生時所有也

及墓嗥啓關陳車小喪共匱路與其飾

關墓門柩路載柩車飾棺飾也

歲時更續其弊車

物之弊者不有以續之則無以繼而弊車不可盡棄擇其可用者而用之此共之於車人也

大祭祀鳴鈴以應雞人

雞人主呼旦鳴鈴以和之所以聲旦警衆也

典路中士二人下士四人府二人史二人胥二人徒二十人車人造車訖以授巾車飾以金玉象等其王及后所乘者入于典路掌之

典路掌王及后之五路辨其名物與其用說音稅

用謂駕車說謂舍車

若有大祭祀則出路贊駕說大喪大賓客亦如之凡會同軍旅予于四方以路從才用反

王出於事無常王乘一路典路以其餘從行

車僕中士二人下士四人府二人史二人胥二人徒二十人

車僕掌戎路之萃七內反廣古曠反車之萃關車之萃萃車之萃

輕遺政反車之萃

此謂五戎萃副也廣車橫陳之車左傳所謂其君之戎分為二廣關車補關之車萃車輕車之有屏蔽者輕車馳敵致師之車

凡師共革車各以其萃

師之所用者其車皆以革鞅之

會同亦如之大喪廡革車大射共三乏

之一名容射人云三獲三容是也王之射必張三侯每

侯之後必用一乏使持旌告獲之人用此自蔽矢不能及

司常中士二人下士四人府二人史二人胥四人徒四十人

司常掌九旗之名物各有屬以待國事日月為常交龍為旂

通帛為旛之然雜帛為物熊虎為旗鳥隼為旟音餘龜蛇為旐

音兆全羽為旞音遂析羽為旟

全羽析羽皆五采

及國之大饗贊司馬頒旗物王建大常

取常明之義

諸侯建旂

旂之為義取諸斤也斤有斷制之義

孤卿建旒

孤卿中大夫以上旒之為義取諸冒冒誠也

大夫士建物

有物有則

師都建旗

師都六卿六遂大夫也謂之師都都民所聚也旗者與民

相期集也

州里建旗

州鄉之官里遂之官旗之為義相與也

縣都建旒

縣都采地之官旒之為義取諸始兆者事之所始也

道車載旒

道車象路旒者直遂之義

旒車載旒

旒車木路也以田旒者生之義

皆畫其象焉官府各象其事州里各象其名家各象其號

畫當作畫

凡祭祀各建其旗會同賓客亦如之置旌門

旌門之置會同賓客在國外及方岳之下乃所以為王者

營衛之儀

大喪共銘旌建獻車之旌及葬亦如之凡軍事建旌旗及致

民置旗弊之

始焉置之以致民使來終焉弊也之以誅後至皆司常所

掌

甸亦如之

甸田獵

凡射共獲旌歲時共更旌

更換易也

司弓矢下大夫二人中士八人府四人史八人胥八人徒八十人

司弓矢掌六弓四弩八矢之灋辨其名物而掌其守手友藏與其出入

守則有人藏則有府出則頒之入則受之

仲春獻弓弩仲秋獻矢箠及其頒之王弓弧弓以授射甲革張林檣質者夾弓庾弓以授射豸侯鳥獸者唐弓大弓以授

學射者使者勞者

王弓弧弓至強檣質植檣以為射正夾弓庾弓稍弱豸侯

五十步唐大強弱適中之弓或曰王弧彫弓也唐大彫弓也夾庾盧弓也

其矢箠皆從其弓凡弩夾庾利攻守唐大利車戰野戰凡矢

枉矢絜若結矢利火射用諸守城車戰殺矢鏃音侯矢用諸近

射田獵矰矢第矢用諸弋射恒矢痺矢用諸散射

枉矢取變星絜有結約之義結矢以射殺矢中人必死鏃

矢候問其近者而中矰矢可以結繒繳也第矢亦結繒之

矢可以荆射飛鳥恒常也庾下也平等之矢也

天子之弓合九而成規諸侯合七而成規大夫合五而成規

士合三而成規句者謂之弊弓

矩主義規主仁於其弓弛而未張則合以取圓合多而成規者其弓剛合少而成規者其弓柔乾剛君道也坤柔臣道也天子不當勢屈故其體強諸侯不得不屈故其體僂

大夫與士其勢轉卑則倍屈而僂宜也

凡祭祀共射牲之弓矢澤共射楛質之弓矢澤宮所以擇材也

大射燕射共弓矢如數并夾

并夾所以取矢之高者

大喪共鬻弓矢凡師役會同頒弓努各以其物從授兵甲之儀田弋充籠箠矢共贈矢

凡矢不在箠

凡亡矢者弗用則更

囊古老人中士四人府二人史四人胥二人徒二十人

囊人掌受財于職金以齎其工弓六物為二等努四物亦如之矢八物皆三等箠亦如之

強弱中三等也

春獻素秋獻成書其等以饗工乘其事試其弓努以下上其食而誅賞乃入功于司弓矢及繕人凡齎財與其出入皆在橐人以待會而攷之亡者闕之

只計見在者

冢人下大夫二人中士四人府二人史四人胥十有二人徒百有二十人

冢人掌公墓之地辨其兆域而為之圖先王之葬居中以昭穆為左右

圖謂畫其地形冢封土以為丘隴

凡諸侯居左右以前卿大夫士居後各以其族凡死於兵者不入兆域凡有功者居前以爵等為封丘之度與其樹數喪既葬有日請度甫窆遂為之尸

量度始窆之處冢人為尸

以度為丘隧共喪之窆器

丘隧度丘與隧道廣袤所至窆器下棺所用之物

及葬言鸞車象人

鸞車遣車象人芻靈也

及窆執斧以泣遂入藏凶器

明器

正墓位蹕墓域守墓禁凡祭墓為尸凡諸侯及諸臣葬於墓者授之兆為之蹕均其禁

授之兆使之自窆均其禁均其地守焉

墓大夫下大夫二人中士八人府二人史四人胥二十人徒二百人

墓大夫掌凡邦墓之地域爲之圖

萬民所葬地

令國民族葬而掌葬禁令正其位掌其度數使皆有私地域
古者萬民墓地同處墓大夫分之使各有區域

凡爭墓地者聽其獄訟帥其屬而巡墓厲居其中之室以
守之

厲瑩限選列處墓中有室使自守之劉執中曰聖人父母
斯民生則富其衣食而教以仁義死則爲之地域而守其
丘樹則子孫者其有不忠於君而不服其教者乎

職方氏中大夫四人下大夫八人中士十有六人府四人

十有六人胥十有六人徒百有六十人

職方氏掌天下之圖以掌天下之地辨其邦國都鄙四夷八
蠻七閩九貉孟白反五戎六狄之人民與其財用九穀六畜之

數要周知其利害乃辨九州之國使同貫利

東南曰揚州其山鎮曰會稽其澤藪曰具區其川三江其浸
五湖其利金錫竹箭其民二男五女

此當時版籍通以一州計之

其畜宜鳥獸其穀宜稻

正南曰荊州其山鎮曰衡山其澤藪曰雲夢其川江漢其浸
潁湛其利丹銀齒革其民一男二女其畜宜鳥獸其穀宜稻

河南曰豫州其山鎮曰華山其澤藪曰圃田其川滎雒其浸
波澆其利漆絲枲其民二男三女其畜宜六擾其穀宜五
種

六擾牛馬豕羊雞三種黍稷菽麥稻

正東曰青州其山鎮曰沂山其澤藪曰望諸其川淮泗其浸
沂沐音迷其利蒲魚其民二男二女其畜宜雞狗其穀宜稻麥
河東曰交州其山鎮曰岱山其澤藪曰大野其川河泲音禮
其浸盧音雷維音於其利蒲魚其民二男三女其畜宜六擾其
穀宜四種

四種黍稷稻麥

正西曰雍州其山鎮曰嶽山其澤藪曰弦蒲其川涇汭其
渭洛其利玉石其民三男二女其畜宜牛馬其穀宜黍稷
東北曰幽州其山鎮曰醫無閭其澤藪曰豸養其川河泲其
浸菑時其利魚鹽其民一男三女其畜宜四擾其穀宜三種

四擾馬牛羊豕三種黍稷稻

河內曰冀州其山鎮曰霍山其澤藪曰楊紆其川漳其浸汾
潞其利松柏其民五男三女其畜宜牛羊其穀宜黍稷
正北曰并州其山鎮曰恒山其澤藪曰昭餘祁其川虜池音徒
反音嘔音夷其侵來易其利布帛其民二男二女其畜宜五
擾其穀宜五種

五擾馬牛羊犬豕五種黍稷菽麥稻

冀兗青徐揚荆豫梁雍此禹貢之九州也冀豫雍幽營揚
兗荆徐此爾雅之九州也揚荆豫青兗雍冀幽并此職方之
九州也禹貢九州之名舊矣舜時肇十有二州分冀為幽
并分青為營至夏則復為禹貢之九州矣爾雅九州商制
也不可攷周之九州與禹貢不同周都雍不可不廣梁山
多險阻故合梁雍為一州徐地狹隘故青兼之堯舜都冀
地壤最闊今之虜境各在其內且帝都所寓人民阜繁至
周亦然故冀州分為幽并

乃辨九服之邦國方千里曰王畿其外方五百里曰侯服又

其外方五百里曰甸服又其外方五百里曰男服又其外方
五百里曰采服又其外方五百里曰衛服又其外方五百里
曰蠻服又其外方五百里曰夷服又其外方五百里曰鎮服
又其外方五百里曰藩服

衛服之外聖人雖制之服而不必其來故武成叙諸侯之
助祭洛誥稱諸侯之和會康王之誥陳諸侯之聽命止言
五服而已

凡邦國千里封公以方五百里則四公方四百里則六侯方
三百里則十一伯方二百里則二十五子方百里則百男以
周知天下

薛氏曰千里之方為方百里者百五百里之國為百里者者二十五四个方百里二十五用千里之方一是方五百者四公也方四百里則六侯則四百里之國為方百里者一十六个方四百一十六為九十六是用百里之方九十六於千里之方猶餘百里之方四方三百里則十一伯以十一个方百里之國為方百里者九十九於千里之方猶餘百里之方一方二百里則二十五子以二百里之國為方百里四則二十五個方二百里用千里之方一百男則百里而已此封國之定制也其餘為附庸山川也黃氏曰封國三等故五百里四百里為大國不五百里四百里

大國大國比小國

賈氏曰地有低邪離絕不相侵人不正故正之低者兩頭寬中間狹離者一頭寬一頭狹

山師中士二人下士四人府二人史四人胥四人徒四十人

山師掌山林之名辨其物與其利害而頒之于邦國使致其珍異之物

川師中士二人下士四人府二人史四人胥四人徒四十人

川師掌川澤之名辨其物與其利害而頒之于邦國使致其珍異之物

珍異之物如岱畎絲枲擘陽孤桐之屬

逢師中士四人下士八人府四人史八人胥八人徒八十人
逢師掌四方之地名辨其在陵墳衍逢隰之名物之可以封
邑者

地名謂東原大陸之屬物之謂相其土地可以居民立邑

